

INUIT ATAQATIGIIT INATSISARTUNI



23.05.2024

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. Inuit innarluutillit meeqqat atuarfiat naammassigaangamikku nunaqarfisik imaluunniit illoqarfisik qimannagu inuunertik ineriartorteqqinnissaannut suut periarfissarisarpaat?
2. Ado Lyngø Aasianniittoq kisimi periarfissaattut inissisimaannassanerluni?
A) Immaqaluunniit allanik periarfissanik inooqataanissaminnut inuiaqatigiinni sumiiffigisartik qimangikkaluarlugu ujartuisoqarnerluni?
3. Arlaannik Naalackersuisut ilassutissaqarpat?

(Inatsisartunut Ilaasortaq Marita Jessen, Inuit Ataqatigiit)

Tungavilersuut:

Inuit innarluutillit tapersorsorneqarnissaannut Inatsisartut inatsisaanni ilaatigut allaqqammat §1 imm. "4 inuit innarluutillit inuiaqatigiinni naligiimmik periarfissaqarnissaasa aammalu innarluuteqarneq pissutigalugu assigiinngisitsinerup akerlilerneqarnissaa tamatumuunalu sapinngisamik inuiaqatigiinni tamakkiisumik sunniuteqarluartumillu peqataanissaasa akuunissaasalu qulakkeerneqarnissaa". Inuit innarluutillit meeqqat atuarfianeereeraangamik arlaqarput sumiiffigisaminni oqartussaninngaanniik iperaannarneqartartut. Ilaatigullu inuit innarluuteqartut ilaqtatik qimakkusunnagit Aasiannut aallarusunneq ajortunik. Tassami toqqissisimavigisartik ilaasa qimakkusunneq ajormassuk. Naak inuit innarluutillit sulinissaminnut ilinniarnissaminnut pisinnaatitaaffeqaraluarlutik "tigujumaneqarneq ajorput" ilinniarfeqarfinniik / atuarfeqarfinniik / suliffeqarfeqarfinniik, ilisimasatik sakkussaqaqannginnertik annikipallaarneri tungavigalugit. Inuit innarluuteqartuusut inuiaqatigiinni akuutinneqarnissaat

INUIT ATAQATIGIIT INATSIARTUNI



pisinnaatitaaffiummat, arlaatigut suliniutigineqarnersoq paaserusunnarami, aammalu qanoq suliniuteqartoqarnersoq inuit innarluutillit sumiiffigisaminni immikkoortinneqaratik inooqataanissaannut.